

四庫全書

史部

欽定四庫全書

史部
古今列女傳卷一

詳校官侍讀_臣陳萬青

刑部郎中_臣許兆椿覆勘

總校官中書_臣朱鈐

校對官助教_臣胡子襄

謄錄貢生_臣李樞

欽定四庫全書

史部七

古今列女傳

傳記類三 總錄之屬

提要

臣等謹案古今列女傳三卷明解縉等奉勅撰先是明太祖孝慈皇后馬氏每聽女史讀書至列女傳謂宜加討論因請於帝命儒臣攷訂未就永樂元年成祖既追上馬后尊謚冊寶仁孝皇后徐氏復以此書為言因命縉

及黃淮胡廣胡儼楊榮金幼孜楊士奇王洪
蔣驥沈度等同加編輯書成上進帝自製序
文刊印頒行上卷皆歷代后妃中卷諸侯大
夫妻下卷士庶人妻時徐后作貞烈事實以
闡幽微顯頗留意於風教故諸臣編輯是書
稍為經意不似五經四書大全之潦草所錄
事蹟起自有虞迄于元明漢以前多本之劉
尚書後代則畧取各史列女傳而以明初人

附益之去取頗見審慎蓋在明代官書之中
猶為善本此為秀水項元汴家所藏猶明內
府初刊之板黃虞稷千頃堂書目稱此書成
於永樂元年十二月今考成祖御製序實題
九月朔旦知虞稷未見原書僅據傳聞著錄
矣乾隆四十三年八月恭校上

總纂官

臣

紀昀

臣

陸錫熊

臣

孫士毅

總校官

臣

陸費

墀

古今列女傳原序

朕聞惟天下至誠為能經綸天下之大經立天下之大
本知天地之化育大經者五品之人倫也大哉經綸之
道乎而以人倫為本人之大倫有五而男女夫婦為先
有夫婦而後有父子有父子而後有君臣妃匹之際生
民之始萬福之原經訓之作皆載之首篇聖帝明王相
傳之要道豈有加於此哉是故唐虞遠矣三代莫盛於
周太王王季肇建邦家文王誕膺天命以撫方夏武王

周公修太平之業姜任繼美如續徽音輔成闕睢麟趾
之化朕嘗求之豳風觀其習俗之美家人婦子驩然有
思絜然有文饁田畝為酒食治蠶績供衣裳以奉獻祭
實二南之權輿也及乎周南后妃貴而勤富而儉長而
敬不弛於師傅嫁而孝不衰於父母樂而不淫憂而不
傷逮下而有螽斯之祥仁厚而致麟趾之應雍雍乎熙
熙乎漢廣汝墳咸被其化端莊靜一無狎昵之私離別
告語皆忠厚之意何其盛也蓋古必有女師之官所以

教之之具委曲詳盡皆著於書周衰散佚今內則諸篇
寂寥數言而已近世有欲復古者相承述作其說浸廣
獨劉向輯古列女傳上自后妃下逮士庶人之妻惓惓
忠愛之意欲以感悟其君其意亦美矣惜其傳久散亂
南豐曾鞏已不得其詳論其乖異而曰覽者擇其是非
向之分類尤不能無議者有虞二妃而冠之母儀之篇
謂之何哉向之失不至此其亦未成之書歟朕自少時
伏觀皇考修身齊家皇妣輔治同德訓飭整齊委曲詳

盡古人之遺意復見於今日皇妣每聽女史讀書至列女傳謂宜加討論刪定為書永作世範請於皇考命儒臣考正有緒未就皇妣違榮皇考每歎息悲傷其意竟未及成書永樂元年六月朕既上冊寶尊謚皇考聖神文武欽明啓運俊德成功統天大孝高皇帝皇妣孝慈昭憲至仁文德承天順聖高皇后纂成實錄宮壺復申皇妣之意朕不敢違乃命儒臣編次古今后妃諸侯大夫士庶人妻之事分為三卷頒之六宮行之天下俾為

師氏知所以教而閨門知所以學庶修身者不至以家
自累而內外有以相成全體經綸之功大復虞周之盛
以知天地之化衍闢睢麟趾之風朕於是書實有望焉
永樂元年九月朔旦御製

欽定四庫全書

古今列女傳卷一

明 解縉等 撰

虞

有虞

舜

二妃者帝堯之二女也長娥皇次女英舜父頑

母嚚父號嚚

音

叟弟曰象教遊於嫚

慢

同舜能諧柔之承

事嚚叟以孝母憎舜而愛象舜猶內治靡有姦意四嶽

薦之於堯堯乃妻以二女以觀厥內二女承事舜於畎

畝之中不以天子之女故而驕盈怠嫚猶謙謙恭儉思

盡婦道瞽叟與象謀殺舜使塗廩音廩舜歸告二女曰父

母使我塗廩我其往二女曰往哉舜既治廩乃捐音捐階

也梯瞽叟焚廩舜以兩笠自扞音扞而下復使舜浚井詢去聲

舜乃告二女二女曰俞往哉舜往浚井格其出入從掩

舜從匿空去聲傍出時既不能殺舜瞽叟又速舜飲酒醉

將殺之舜告二女二女乃與藥浴汪汪池也遂往舜終日

飲酒不醉舜之女弟繫憐之與二嫂諧父母欲殺舜舜

猶不怨怒之不已舜往于田號泣日呼旻

音民

天呼父母

惟害若茲思慕不已不怨其弟篤厚不怠既納于百揆

賓于四門選于林木入于大麓

音鹿

堯試之百方每事常

謀於二女舜既嗣位升為天子娥皇為后女英為妃封

象于有庠

音鼻地名

事瞽叟猶若焉天下稱二妃聰明貞仁

舜陟

音職

方死於蒼梧

地名

號曰重華二妃死於江湘之間

俗謂之湘君君子曰二妃德純而行篤詩云不顯惟德

百辟

音壁

其刑之此之謂也

夏

啟母者塗山氏長女也夏禹娶以為妃既生啟辛壬癸

甲啟呱呱

音孤

泣禹去而治水惟荒度土功三過其家不

入其門塗山獨明教訓而致其化焉及啟長化其德而

從其教卒致令名禹為天子而啟為嗣持禹之功而不

殞

云上聲

君子謂塗山彊於教誨詩云釐

音離

爾士女從以

孫子此之謂也

商

契音肩

母簡狄者有娥音娥氏之長女也當堯之時與其妹

娣浴於玄丘之水有玄鳥銜卵過而墜之五色甚好簡

狄與其妹娣競往取之簡狄得而含之誤而吞之遂生

契焉簡狄性好人事之治上知天文樂於施惠及契長

而教之理順之序契之性聰明而仁能育其教卒致其

名堯使為司徒封之於亳

音薄

及堯崩舜即位乃勅之曰

契百姓不親五品不遜汝作司徒而敬敷五教在寬其

後世世居亳至殷湯興為天子君子謂簡狄仁而有禮

詩云有娥方將帝子生商又曰天命玄鳥降而生商此之謂也

湯妃有嬖

莘同

者有嬖氏之女也殷湯娶以為妃生仲壬

外丙亦明教訓致其功有嬖之妃湯也統領九嬪

音頻

後

宮有序咸無妬

都去聲

媚

音冒

逆理之人卒致王功君子謂

妃明而有序詩云窈

音窈

窕

音窕

條上聲

淑女君子好逮言賢女

能為君子和好衆妾其有嬖之謂也

周

棄母姜嫄

音原

者郤

音台

侯之女也當堯之時行見巨人跡

好而履之歸而有娠

音身

浸以益大心怪惡之卜筮

音因

祀以求無子終生子以為不祥而棄之隘

厓去聲

巷牛羊

避而不踐乃送之平林之中後伐平林者咸薦之覆之

乃取置寒冰之上飛鳥

區上聲

偃翼之姜嫄以為異乃收

以歸因命曰棄姜嫄之性清靜專一好種稼穡及棄長

而教之種樹桑麻棄之性明而仁能育其教卒致其名

堯使棄居稷官更國郤地遂封棄於郤號曰后稷及堯

崩舜即位乃命之曰棄黎民阻飢汝后稷播時百穀其
後世世居稷至周文武而興為天子君子謂姜嫄靜而
有化詩云赫赫姜嫄其德不回上帝是依又曰思文后
稷克配彼天立我烝民此之謂也

太姜者王季之母有呂氏之女太王取

要同

以為妃生太

伯仲雍王季貞順率道靡有過失太王謀事遷徙必與
太姜君子謂太姜廣於德教詩云爰及姜女聿來胥宇
此之謂也

太任者文王之母摯

音至

任氏中女也王季娶為妃太任

之性端一誠莊惟德之行及其有娠目不視惡色耳不

聽淫聲口不出敖言生文王而明聖太任教之以一而

識百君子謂太任為能胎教古者婦人妊子寢不側坐

不邊立不蹕

音必

不食邪味割不正不食席不正不坐目

不視于邪色耳不聽于淫聲夜則令瞽誦詩道正事如

此則生子形容端正才德必過人矣故妊子之時必慎

所感感於善則善感於惡則惡人生而肖

音笑

萬物者皆

其母感於物故形音肖之文王母可謂知肖化矣

太姒者武王之母禹後有莘太姒氏之女仁而明道文王
嘉之親迎于渭造舟為梁及入太姒思媚太姜太任旦
夕勤勞以進婦道太姒號曰文母文王治外文母治內
太姒生十男長伯邑考次武王發次周公旦次管叔鮮
次蔡叔度次曹叔振鐸次霍叔武次成叔處次康叔封
次聃音耽季載太姒教誨十子自少及長未嘗見邪僻之
事及其長文王繼而教之卒成武王周公之德君子謂

太姒仁明而有德詩曰大邦有子音覯音天之妹文定厥

祥親迎于渭造舟為梁不顯其光又曰太姒音嗣徽音暉音

則百斯男此之謂也

周宣姜后者齊侯之女也賢而有德事非禮不言行非禮不動宣王常早卧晏起后夫人不出房姜后脫簪珥音耳待罪於永巷使其傅姆通言於王曰妾之不才至使

君王失禮而晏朝以見君王樂色而忘德也夫苟樂色必好奢窮欲亂之所興也原亂之興從婢子起敢請婢

子之罪王曰寡人不德寔自生過非夫人之罪也遂復姜后而勤於政事早朝晏退卒成中興之名君子謂姜后善於威儀而有德行夫禮后夫人御於君以燭進至於君所滅燭適房中脫朝服衣褻音泄服然後進御于君鷄鳴樂師擊鼓以告旦后夫人鳴珮而去詩曰威儀抑抑德音秩秩又曰隰音習棗有阿其葉有幽既見君子德音孔膠音交夫婦人以色親以德固姜氏之德行可謂孔膠也

前漢

馮昭儀者孝元帝之昭儀右將軍光祿勳馮奉世之女也元帝二年昭儀以選入後宮始為長使數月為美人

生男是為中山孝王美人為婕妤

音接音餘

建昭中上幸虎

圈

音勸畜閑

鬪獸後宮皆從熊

音雄

逸出圈攀檻欲上殿左右

貴人傅昭儀皆驚走而馮婕妤直當熊而立左右格殺

熊天子問婕妤人情皆驚懼何故當熊對曰妾聞猛獸

得人而止妾恐至御坐故以身當之元帝嗟嘆以此敬

重焉傳昭儀等皆慙明年中山王封乃立婕妤為昭儀
隨王之國號中山太后君子謂昭儀勇而慕義詩云公
之媚子從公子狩論語曰見義不為無勇也昭儀兼之
矣

班婕妤者左曹越騎班况之女漢孝成皇帝之婕妤也
賢才通辯始選入後宮為小使俄而大幸為婕妤成帝
遊於後庭嘗欲與婕妤同輦辭曰觀古圖畫賢聖之君
皆有名臣在側三代之末主乃有女嬃今欲同輦得無

似之乎上善其言而止太后聞而喜曰古有樊姬今有
班婕妤每誦詩及窈窕德象女師之篇必三復之每進
見上疏依古禮自鴻嘉之後成帝稍隆於女寵婕妤進
侍者李平平得幸立為婕妤帝曰始衛皇后亦從微起
乃賜平姓曰衛所謂衛婕妤也其後趙飛燕姊音妹有
寵驕妬譖訴班婕妤云挾邪詛祖去聲祝周去聲上考問班
婕妤曰妾聞死生有命富貴在天修正尚未蒙福為邪
欲以何望且使鬼神有知不受不臣之訴如其無知訴

婕妤之謂也

漢王皇后者安漢公太傅大司馬王莽之女孝平皇帝
之后也為人婉淑有節行平帝即位后年九歲莽秉政
欲依霍光故事以女配帝后立歲餘平帝崩後數年莽
篡漢位后年十八自劉氏廢常稱疾不朝會莽敬憚哀
傷意欲嫁之令立國將軍孫建世子豫將醫往問疾后
大怒鞭笞旁侍御因廢疾不肯起莽遂不敢強也及漢
兵誅莽燔燒未央后曰何面目以見漢家自投火中而

死君子謂平后體自然貞淑之行不為存亡改意可謂
節行不虧污者矣詩曰鬢音苗彼兩髦實惟我儀之死矢
靡他此之謂也

後漢

光烈陰皇后諱麗華南陽新野人初光武適新野聞后
美心悅之後至長安見執金吾車騎甚盛因歎曰仕宦
當作執金吾娶妻當得陰麗華更始元年六月遂納后
於宛當成里時年十九及光武為司隸校尉方西之洛

陽令后歸新野及鄧奉起兵后兄識為之將后隨家屬

徙涑

音育

陽止奉舍光武即位令侍中傅俊迎后與胡陽

寧平主諸宮人俱到洛陽以后為貴人帝以后雅性寬

仁欲崇以尊位后固辭以郭氏有子終不肯當故遂立

郭皇后建武四年從征彭寵生顯宗於元氏九年有盜

劫

魚入聲

殺后母鄧氏及弟訢

音銀

帝甚傷之乃詔大司空

曰吾微賤之時娶於陰氏因將兵征伐遂各分離幸得

安全俱脫虎口以貴人有母儀之美宜立為后而固辭

弗敢當列於媵

音孕

妾朕嘉其義讓許封諸弟未及爵土

而遭患逢禍母子同命慙

音閔

傷于懷小雅曰將恐將懼

惟予與汝將安將樂汝轉棄予風人之戒可不慎乎其

追爵諡

音示

貴人父陸為宣恩哀侯弟訢為宣義恭侯以

弟就嗣哀侯後及尸柩

音舊

在堂使大中大夫拜授印綬

如在國列侯禮魂而有靈嘉其寵榮十七年郭后廢遂

立為皇后后在位恭儉少嗜

音視

玩不喜笑謔

音入聲

性仁

孝多矜慈七歲失父雖已數十年言及未嘗不流涕帝

見常歎息顯宗即位尊后為皇太后永平三年冬帝從
太后幸章陵置酒舊宅會陰鄧故人諸家子孫並受賞
賜七年崩在位二十四年年六十合葬原陵明帝性孝
愛追慕無已十七年正月當謁原陵夜夢先帝太后如
平生歡既寤悲不能寐即案厯明旦日吉遂率百官及
故客上陵其日降甘露於陵樹帝令百官采取以薦會
畢帝從席前伏御牀視太后鏡奩音廉中物感動悲涕令
易脂澤裝具左右皆泣莫能仰視焉

明德馬皇后諱某伏波將軍援之小女也少喪父母兄

客卿敏慧早夭母蘭

音吝

夫人悲傷發疾慌

荒上聲

惚

音忽

后

時年十歲幹理家事勅制僮御內外諮稟事同成人初

諸家莫知者後聞之咸歎異焉后嘗久疾太夫人令筮

之筮者曰此女雖有患狀而當大貴兆不可言也後又

呼相者使占諸女見后大驚曰我必為此女稱臣然貴

而少子若養它子者得力乃當踰於所生以選入太子

宮時年十三奉承陰后傍接同列禮則修備上下安之

遂見寵異常居後堂顯宗即位以后為貴人時后前母
姊女賈氏亦以選入生肅宗帝以后無子命令養之謂
曰人未必當自生子但患愛養不至耳后於是盡心撫
育勞悴音萃過於所生肅宗亦孝性淳篤恩性天至母子
慈愛始終無纖介之間后常以皇嗣未廣母懷憂歎薦
達左右若恐不及後宮有進見者每加慰納若數所寵
引輒增隆遇永平三年春有司奏立長秋宮帝未有所
言皇太后曰馬貴人德冠後宮即其人也遂立為皇后

先是數日夢有小飛蟲無數赴著身又入皮膚中而復
飛出既正位宮闈愈自謙肅身長七尺二寸方口美髮
能誦易好讀春秋楚辭尤善周官董仲舒書常衣大練
裙不加緣朔望諸姬主朝請望見后袍疎麤粗同反以為

綺縠就視乃笑后辭曰此縐音憎特宜染色故用之耳六

宮莫不歎息帝嘗幸苑囿離宮后輒以風邪露霧為戒

辭意款備多見詳擇帝幸濯龍中並召諸才人下邳

音丕

王已下皆在側請呼皇后帝笑曰是家志不好樂雖來

無歡是以遊娛之事希當從焉十五年帝案地圖將封

皇子悉半諸國后見而言曰諸子裁食數縣於制不已

儉乎帝曰我子豈宜與先帝子等乎歲給二十萬足矣

時楚獄連年不斷囚相證引坐繫者甚衆后慮其多濫

乘間言及惻然帝感悟之夜起仿

音旁

惶

音皇

為思所納卒

多有所降宥時諸將奏事及公卿較

音教

議難平者帝數

以試后后輒分解趨

音要

理各得其情每於侍執之際輒

言及政事多所毗

音毘

補而未嘗以家私干欲寵敬日隆

始終無衰及帝崩肅宗即位尊后曰皇太后諸貴人當徙居南宮太后感析別之懷各賜王赤綬加安車駟馬白越三千端雜帛二千匹黃金十斤自撰顯宗起居注削去兄防參醫藥事帝請曰黃門舅旦夕供養且一年既無褒異又不錄勤勞無乃過乎太后曰吾不欲令後世聞先帝數親後宮之家故不著也建初元年欲封爵諸舅太后不聽明年夏大旱言事者以為不封外戚之故有司因此上奏宜依舊典太后詔曰凡言事者皆欲

媚朕以要福耳昔王氏五侯同日俱封其時黃霧四塞

不聞澍

音樹

雨之應又田蚡

墳上聲

竇嬰竇貴橫恣傾覆之

禍為世所傳故先帝防慎舅氏不令在樞機之位諸子

之封裁令半楚淮陽諸國嘗謂我子不當與先帝子等

今有司柰何欲以馬氏比陰氏乎吾為天下母而身服

大練食不求甘左右但著帛布無香薰之飾者欲身率

下也以為外親見之當傷心自勅但笑言太后素好儉

前過濯龍門上見外家問起居者車如流水馬如游龍

倉頭衣綠構

音溝
單衣

領袖正白顧視御者不及遠矣故不

加譴

牽去
聲

怒但絕歲用而已冀以默愧其心而猶懈怠

無憂國忘家之慮知臣莫若君况親屬乎豈可上負

先帝之旨下虧先人之德重襲

音習

西京敗亡之禍哉固

不許帝省詔悲歎復重請曰漢興舅氏之封侯猶皇子

之為王也太后誠存謙虛奈何令臣獨不加恩三舅乎

且衛尉年尊兩校尉有大病如令不諱使臣長抱刻

音克

骨之恨宜及吉時不可稽

音雞

留太后報曰吾反覆念之

思令兩善豈徒欲獲謙讓之名而使帝受不外施之嫌哉昔竇太后欲封王皇后之兄丞相條侯言受高祖約無軍功非劉氏不侯今馬氏無功於國豈得與陰郭中興之后等耶常觀富貴之家祿位重疊猶再實之木其根必傷且人所以願封侯者欲上奉祭祀下求溫飽耳今祭祀則受四方之珍衣食則蒙御府餘資斯豈不足而必當得一縣乎吾計之熟矣勿有疑也夫至孝之行安親為上今數遭變異穀價數倍憂惶晝夜不安坐卧

而欲先營外封違慈母之拳拳乎吾素剛急有胸中氣不可不順也若陰陽調和邊境清靜然後行子之志吾但當含飴音移弄孫不能復關政矣時新平主家御者失

火延及北閣後殿太后以為已過起居不歡時當謁原

陵自引守備不慎慙見陵園遂不行初太夫人葬起墳

微高太后以為言兄廖等即時減削其外親有謙素義

行者輒假借溫言賞以財位如有纖介則先見嚴恪康入

聲之色然後加譴其美車服不軌音詭法度者便絕屬籍

遣歸田里廣平鉅鹿樂成王車騎朴素無金銀之飾帝以白太后太后即賜錢各五百萬於是內外從化被服如一諸家惶恐倍於永平時乃置織室蠶於濯龍中數往觀視以為娛樂常與帝旦夕言道政事及教授諸小王論議經書述叙平生雍和終日四年天下豐稔

任上聲

方垂無事帝遂封三舅廖防光為列侯並辭讓願就關內侯太后聞之曰聖人設教各有其方知人情性莫能齊也吾少壯時但慕竹帛志不顧命今雖已老而復戒

之在得故日夜惕

音剔厲利

思自降損居不求安食不念

飽異乘此道不負先帝所以化導兄弟共同斯志欲令

瞑目之日無所復恨何意老志復不從哉萬年之日長

恨矣廖等不得已受封爵而退位歸第焉太后其年寢

疾不信巫祝小醫數勅絕禱

音島

祀至六月崩在位二十

三年年四十餘合葬顯節陵

和熹鄧皇后諱綏

音雖

太傅禹之孫也父訓護羌校尉母

陰氏光烈皇后從弟女也后年五歲太傅夫人愛之自

為翦髮夫人年高目冥誤傷后額忍痛不言左右見者
怪而問之后曰非不痛也太夫人哀憐為斷髮難傷老
人意故忍之耳六歲能史書十二通詩論語諸兄每讀
經傳輒下意難問志在典籍不問居家之事母常非之
曰汝不習女工以供衣服乃更務學寧當舉博士耶后
重違母言晝修婦業暮誦經典家人號曰諸生父訓異
之事無大小輒與詳議永元四年當以選入會訓卒后
晝夜號泣終三年不食鹽菜焦音樵悴毀容親人不識之

后嘗夢捫天蕩蕩正青若有鍾乳狀乃仰漱飲之以訊諸占夢言堯夢攀天而上湯夢及天而喏音是之斯皆聖

王之前占吉不可言又相者見后驚曰此成湯之法家

人竊喜而不敢宣后叔父陔音該言嘗聞活千人者子孫

有封兄訓為謁者使修石曰河歲活數千人天道可信

家必蒙福初太傅禹歎曰吾將百萬之衆未嘗妄殺一

人其後世必有興者七年后復與諸家子俱選入宮后

長七尺二寸姿顏姝音樞麗絕異於衆左右皆驚八年冬

入掖

音赤

庭為貴人時年十六恭肅小心動有法度承事

陰后夙夜戰兢接撫同列常克已以下之雖宮人隸役皆加恩借帝深嘉愛焉及后有疾特令后母兄弟入侍

醫藥不限日數后言於帝曰宮禁至重而使外舍久在

內省上令陛下有幸私之譏下使賤妾獲不知足之謗

上下交損誠不願也帝曰人皆以數入為榮貴人反以

為憂深自抑損誠難及也每有讌

音燕

會諸姬貴人競自

修整簪珥光采桂

音圭

裳鮮明而后獨著素裝服無飾其

衣有與陰后同色者即時解易若並時進見則不敢正

坐離立行則僂

音縷

身自卑帝每有所問常逡巡後對不

敢先陰后言帝知后勞心曲體歎曰修德之勞乃如是

乎後陰后漸疎每當御見輒辭以疾時帝數失皇子后

憂繼嗣不廣恒垂涕歎息數選進才人以博帝意陰后

見后德稱日盛不知所為遂造祝詛欲以為害帝嘗寢

病危甚陰后密言我得意不令鄧氏復有遺類后聞乃

對左右流涕言曰我竭誠盡心以事皇后竟不為所祐

而當獲罪於天婦人雖無從死之義然周公身請武王之命越姬心誓必死之分上以報帝之恩中以解宗族之禍下不令陰氏有人彘之譏即欲飲藥宮人趙王者固禁之因詐言屬有使來上疾已愈后信以為然乃止明日帝果瘳音抽十四年夏陰后以巫蠱音古事廢后請救不能得帝便屬意焉后愈稱疾篤深自閉絕會有司奏建長秋宮帝曰皇后之尊與朕同體承宗廟母天下豈易哉唯鄧貴人德冠後庭乃可當之至冬立為皇后辭

讓者三然後即位手書表謝深陳德薄不足以充小君之選是時方國貢獻競求珍麗之物自后即位悉令禁絕歲時但供紙墨而已帝每欲官爵鄧氏后輒哀請謙讓故兄騭音質終帝世不過虎賁音奔中郎將元興元年帝崩長子平原王有疾而諸皇子夭歿前後十數後生者輒隱祕養於人間殤音傷帝生始百日后乃迎立之尊后為皇太后太后臨朝和帝葬後宮人並歸園太后賜周馥貴人策曰朕與貴人託配後庭共歡等列十有餘年

不獲福祐先帝早棄天下孤心熒熒音瓊靡所瞻仰夙夜

永懷感愴音創發中今當以舊典分歸後園慘結增歎燕

燕之詩曷能喻焉其賜貴人王青蓋車采飾輅音路驂音參

馬各一駟黃金三十斤雜帛三千匹白越四千端又賜

馮貴人王赤綬以未有頭上步搖環珮加賜各一具是

時新遭大憂法禁未設宮中亡大珠一篋太后念欲考

問必有不辜乃親閱音悅宮人觀察顏色即時首服又和

帝幸人吉成御者共枉吉成以巫蠱事遂下掖庭考訊

辭證明白太后以先帝左右待之有恩平日尚無惡言

今反若此不合人情更自呼見實覈音核果御者所為莫

不歎服以為聖明常以鬼神難徵淫祀無福乃詔有司

罷諸祠官不合典禮者又詔赦除建武以來諸犯妖惡

及馬竇家屬所被禁錮音固者皆復之為平人減太官導

官尚方內者服御珍膳靡麗難成之物自非供陵廟稻

粱米不得導擇朝夕一肉飯而已舊太官湯官經用歲

且二萬萬太后勅止曰殺省珍費自是裁數千萬及郡

國所貢皆減其過半悉斥賣上林鷹犬其蜀漢釵音器

九帶佩刀並不復調止畫工三十九種又御府尚方織

室錦繡冰紈綺縠金銀珠玉犀象瑇玳瑁彫鏤音漏音翫弄

之物皆絕不作離宮別館儲峙遲上聲米糒音薪炭悉令

省之又詔諸園貴人其宮人有宗室同族若羸音老不

任使者令園監實覈上名自御北宮增喜觀閱問之恣

其去留即日免遣者五六百人及殤帝崩太后定策立

安帝猶臨朝政以連遭大憂百姓苦役殤帝康陵方中

祕藏及諸工作事事減約十分居一詔告司隸校尉河南尹南陽太守曰每覽前代外戚賓客假借威權輕薄

謏

宗去聲

詞

音洞

至有濁亂奉公為人患苦咎在執法怠懈

不輒行其罰故也今車騎將軍隲等雖懷敬順之志而宗門廣大姻戚不少賓客姦猾多干禁憲其明加檢勅勿相容護自是親屬犯罪無所假貸太后愍陰氏之罪廢赦其徙者歸鄉勅還資財五百餘萬永初元年爵號太夫人為新野君萬戶供湯沐邑二年夏京師旱親幸

洛陽寺錄冤獄有因實不殺人而被考自誣羸困輿見

畏吏不敢言將去舉頭若欲自訴太后察視覺之即呼

還問狀具得枉實即時收洛陽令下獄抵低上聲罪行未

還宮澍雨大降三年秋太后體不安左右憂惶禱請祝

辭願得代命太后聞之即譴怒切勅掖庭令以下但使

謝過祈其音福不得妄生不祥之言舊事歲終當享遣衛

士大儻那音逐疫役音太后以陰陽不和軍旅數興詔饗會

勿設戲作樂減逐疫俚真音子之半悉罷象橐託音駝陀音之

屬豐年復故太后自入宮掖從曹大家受經書兼天文
筭數晝省王政夜則誦讀而患其謬音繆誤懼乖典章乃

博選諸儒劉珍等及博士議郎四府掾史五十餘人詣
東觀讎校傳記事畢奏御賜葛布各有差又詔中官近
臣於東觀受讀經傳以教授宮人左右習誦朝夕濟濟
及新野君薨太后自侍疾病至乎終盡憂哀毀損事加
於常贈以長公主赤綬東園祕器玉衣繡衾又賜布三
萬匹錢三十萬鴈等遂固讓錢布不受使司空持節護

喪事儀比東海恭王諡曰敬君太后諒闇

卷同

既終久旱

太后比三日幸洛陽錄囚徒理出死罪三十六人耐罪八十人其餘減罪死右趾已下至司寇七年正月初入太廟齋七日賜公卿百僚各有差庚戌謁宗廟率命婦羣妾相禮儀與皇帝交獻親薦成禮而還因下詔曰凡供薦新味多非其節或鬱養強熟或穿掘萌芽味無所至而夭折生長豈所以順時育物乎傳曰非其時不食自今當奉祠陵廟及給御者皆須時乃上凡所省二十

三種自太后臨朝水旱十載四夷外侵盜賊內起每聞

人饑或達旦不寐而躬自減徹以救災院

音厄

故天下復

平歲還豐穰

音穰

永寧二年二月寢病漸篤乃乘輦於前

殿見侍中尚書因北至太子新所繕宮還大赦天下賜

諸園貴人王主羣僚錢布各有差詔曰朕以無德託母

天下而薄祐不天早離大憂延平之際海內無主元元

危運危於累卵勤勤苦心不敢以萬乘為樂上欲不欺

天愧先帝下不違人負宿心誠在濟度百姓以安劉氏

自謂感徹天地當蒙福祚

音昨

而喪禍內外傷痛不絕頃

以廢病沉滯久不得侍祠自力上原陵加歎

音慨

逆唾血

遂至不解存亡大分無可奈何公卿百官其勉盡忠恪
以輔朝廷三月崩在位二十年年四十一合葬順陵

晉

文明王皇后諱元姬東海郟

音談

人也父肅魏中領軍蘭

陵侯后年八歲誦詩論尤善喪服苟有文義目所一見
必貫於心年九歲遇母疾扶侍不捨左右衣不解帶者

久之每先意候指動中所適由是父母令攝家事每盡其理祖朗甚愛異之曰興吾家者必此女也惜不為男矣年十二朗薨后哀戚哭泣發於自然其父益加敬異既并歸于文帝生武帝及遼東悼王定國齊獻王攸城陽哀王兆廣漢殤王廣德京兆公主后事舅姑盡婦道謙冲接下嬪御有序及居父喪身不勝衣言與淚俱時鍾會以才能見任后每言於帝曰會見利忘義好為事端寵過必亂不可大任會後果反武帝受禪

音膳

尊為皇

太后宮曰崇化初置宮卿后雖處尊位不忘素業躬執

紡績器服無文御浣

完上聲

濯之衣食不參味而敦睦九

族垂心萬物言必典禮浸潤不行四年后崩時年五十

二合葬崇陽陵

唐

高祖太穆順聖皇后竇氏京兆平陵人父毅

音義

在周為

上柱國尚武帝姊襄陽長公主入隋為定州總管神武

公后生髮垂過頸

經上聲

三歲與身等讀女誡列女等傳

一過輒不忘武帝愛之養宮中異它甥時突厥女為后
無寵后密諫曰吾國未靖虜且強願抑情撫接以取合
從則江南闕東不吾梗

更上聲

武帝嘉納及崩哀毀同所

生聞隋高祖受禪自投牀下曰恨我非男子不能掬

音救

舅家禍殺遽掩其口曰毋妄言赤吾族當謂主曰此女

有奇相且識不凡何可妄與人因畫二孔雀屏間請昏
者使射二矢陰約中目則許之射者閱數十皆不合高
祖最後射中各一目遂歸於帝始元貞太后羸老有疾

而性素嚴諸姒娣皆畏莫敢侍后事之獨怡謹盡孝或

淹月不釋衣履工為篇章規誠文有雅體又善書與高

祖書相雜人不辨也崩於涿

音卓

郡年四十五帝在煬帝

時多畜善馬后見曰上性樂此盍

音合

以獻徒留之速罪

無益也不聽頃果坐譴帝後見隋政亂多妄誅殛

音棘

乃

為自安計數奏鷹犬異駒煬帝果喜擢位將軍因泣謂

諸子曰早用而母言得此久矣帝有天下詔即所葬園

為壽安陵諡曰穆及祔

音附

獻陵尊為太穆皇后始太宗

生有二龍之符后於諸子中愛視最篤後即位過慶善

宮覽觀哽欵

音稀

顧侍臣曰朕生於此今母后永違育我

之德不可報因號慟左右皆流涕乃享后于正寢它日

幸九成宮夢后若平生既寤潛

音刪

然不自勝明日詔有

司大發倉賑

音震

貧瘠

音籍

以為后報焉上元中益諡太穆

神皇后

太宗文德順聖皇后長孫氏河南洛陽人其先魏拓

音託

拔

音跋

氏後為宗室長因號長孫高祖

音治

大丞相馮翊

翼音王曾祖裕平原公祖兕音左將軍父晟音字季涉經

史音趨音驚音曉兵仕隋為右驍衛將軍后喜圖傳視古

善惡以自鑒矜尚禮法晟兄熾音為周通道館學士嘗

聞太穆勸撫突音厥女心誌之語晟曰此明睿音人

必有奇子不可以不圖昏故晟以女太宗后歸寧舅高

士廉妾見大馬二丈立后舍外懼占之遇坤之泰卜者

曰坤順承天載物無疆馬地類也之泰是天地交而萬

物通也又以輔相天地之宜繇音宙音協音歸妹婦人事也

女處尊位履中而居順后妃象也時隱太子釁

欣去聲

閱

馨入聲

已構后內盡孝事高祖謹承諸妃消釋嫌猜及帝

授甲宮中后親慰勉士皆感奮

分去聲

尋為皇太子妃俄

為皇后性約素服御取給則止益觀書雖容櫛

臻入聲

不

少廢與帝言或及天下事辭曰牝

貧上聲

鷄司晨家之窮

也可乎帝固要之訖不對後廷有被罪者必助帝怒請

繩治俟意解徐為開治終不令有冤下嬪

貧音

生豫章公

主而死后視如所生媵

音

侍疾病輟

音

所御飲藥資之

下懷其仁兄無忌於帝本布衣交以佐命為元功出入
卧内帝將引以輔政后固謂不可乘間曰妾託體紫宮
尊貴已極不願私親更據權于朝漢之呂霍可以為誡
帝不聽自用無忌為尚書僕射音夜后密諭令牢讓帝不
獲已乃聽后喜見顏間異母兄安業無行父喪逐后無
忌還外家后貴未嘗以為言擢位將軍後與李孝常等
謀反將誅后叩頭曰安業罪死無赦然向遇妾不以慈
戶知之今論如法人必謂妾釋憾含去聲於兄無乃為帝

累乎遂得減流越雋

音雋

太子承乾乳媪

音媪

請增東宮什

器后曰太子患無德與名器何請為從幸九成宮方屬

疾會柴紹等急變聞帝甲而起后興疾以從宮司諫止

后曰上震驚吾可自安疾稍亟

音棘

太子欲請大赦汎度

道人被

音拂

塞災會后曰死生有命非人力所支若修福

可延吾不為惡使善無效我尚何求且赦令國大事佛

老異方教耳皆上所不為豈宜以吾亂天下法太子不

敢奏以告房玄齡玄齡以聞帝歎美而羣臣請遂赦帝

既許后固爭止及大漸與帝訣時玄齡小譴就第后曰
玄齡久事陛下預奇計秘謀非大故願勿置也妾家以
恩澤進無德而祿易以取禍無屬樞柄以外戚奉朝請
足矣妾生無益於時死不可以厚葬願因山為隴無起
墳無用棺槨器以瓦木約費送終是妾不見忘也又請
帝納忠容諫勿受讒省遊畋音田作役死無恨崩年三十
六后嘗采古婦人事著女則十篇又為論斥漢之馬后
不能檢抑外家使與政事乃戒其車馬之侈此謂開本

源恤末事常誠守者吾以自檢故書無條理勿令至尊
見之及崩宮司以聞帝為之慟示近臣曰后此書可用
垂後我豈不通天命而割情乎顧內失吾良佐哀不可
已已諡曰文德葬昭陵因九峻音樓山以成后志帝自著
表序始末揭陵左上元中益諡文德聖皇后

太宗賢妃徐惠湖州長城人生五月能言四歲通論語
詩八歲自曉屬文父孝德試使擬離騷為小山篇曰仰
幽巖而流盼撫桂枝以凝想將千齡兮此遇荃何為兮

獨往孝德大驚知不可掩於是所論著遂盛傳太宗聞之召為才人手未嘗廢卷而辭致贍尉又無淹思帝益禮顧擢孝德水部員外郎惠再遷充容貞觀末數調兵討定四夷稍稍治宮室百姓勞怨惠上疏極諫且言東

戍遼海西討崑丘士馬罷

音耗 蒿去 疲耗聲

漕餉

音漂 飄音餉

沒捐

有盡之農趨無窮之壑圖未獲之衆喪已成之軍故地廣者非常安之術也人勞者為易亂之符也又言翠微玉華等宮雖因山藉水無築構之苦而工力和儻秋去聲

不謂無煩有道之君以逸逸人無道之君以樂樂身又

言伎音巧為喪國斧斤珠玉為蕩心音酖音鴆音毒侈麗纖美

不可以不遏音安音入音志驕於業泰體逸於時安其剗音切

精詣大畧如此帝善其言優賜之帝崩哀慕成疾不肯

進藥曰帝遇我厚得先狗馬侍園寢吾志也復為詩連

珠以見意永徽元年卒年二十四贈賢妃陪葬昭陵石

室

德宗賢妃韋氏戚里舊族也祖濯尚定安公主初為良

娣德宗貞元四年冊拜賢妃宮壺音事無不聽而性敏

淑言動皆有繩矩帝寵重之後宮莫不師其行帝崩自

表留奉崇陵園元和四年薨

順宗莊憲皇后王氏琅

音郎邪音郎

人祖難得有功名於世

代宗時后以良家選入宮為才人順宗在藩帝以才人

幼故賜之為王孺人生憲宗順宗在東宮冊為良娣后

性仁順宮中化其德莫不柔雍順宗即位疾已綿頓后

侍醫藥不少怠將立后会病棘而止憲宗內禪尊為太

上皇后元和元年乃上尊號曰皇太后后謹畏深抑外家無毫絲假貸訓厲內職有古后妃風十年崩年五十
四葬豐陵

憲宗懿安皇后郭氏汾

音墳

陽王子儀之孫父曖

音愛

尚昇

平公主實生后憲宗為廣陵王聘以為妃順宗以其家有大功烈而母素貴故禮之異諸婦是生穆宗元和元年進冊貴妃八年羣臣三請立為后帝以歲子午忌章報聞罷穆宗嗣位上尊號皇太后贈曖太尉母齊國大

長公主擢尤釗

昭音

刑部尚書鏞

聰音

金吾大將軍后移御

興慶宮凡朔望三朝帝率百官詣宮門為壽帝崩中人
有為后謀稱制者后怒曰吾效武氏耶今太子雖幼尚
可選重德為輔吾何與外事哉敬宗立號太皇太后寶
厯倉卒后召江王嗣皇帝位是為文宗文宗性謹孝事
后有禮凡羞果鮮珍及四方奇奉必先獻宗廟三宮而
後御之武宗喜畋游角武扑音卡擇五坊小兒得出入禁
中它日問后起居從容請曰如何可為盛天子后曰諫

臣章疏宜審覽度可用用之有不可以詢宰相毋拒直言勿納偏言以忠良為腹心此盛天子也帝再拜還索諫章閱之往往道游獵事自是畋幸稀小兒武朴等不復橫賜矣宣宗時崩有司上尊諡葬景陵外園懿宗咸通中從禮官王皞音昊言詔后主祔憲宗廟

宋

真宗章穆郭皇后太原人宣徽南院使守文第二女真宗在襄邸低上聲太宗為聘之封魯國夫人進封秦國真

宗嗣位立為皇后謙約惠下性惡奢靡族屬入謁禁中服飾華侈必加戒勗音旭有以家事求言於上者后終不許兄子出嫁以貧欲祈恩賚但出裝具給之上尤加禮重

仁宗慈聖光獻曹皇后真定人樞密使曹武惠王彬之孫也明道二年詔聘入宮景祐元年冊為皇后性慈儉重稼穡嘗於禁苑種穀親蠶善飛白書慶曆八年閏正月帝將以望夕再張燈后諫止後三日衛卒數人作亂

夜越屋叩寢殿后方侍帝聞變遽起帝欲出后閉閣擁

持趨

音促

呼都知王守忠使引兵入賊傷宮嬪殿下聲徹

帝所宦者以乳嫗

餘去聲

毆小女子

給台上聲

奏后叱之曰

賊在近殺人敢妄言耶后度賊必縱火陰遣人挈

牽入聲

水踵其後果舉炬焚簾水隨滅之是夕所遣宦侍后皆

親剪其髮諭之曰明日行賞用是為驗故爭盡死力賊

即禽滅閣內妾與卒亂當誅祈哀幸姬姬言之帝貸其

死后具衣冠見請論如法曰不如是無以肅清禁掖帝

命坐后不可立請移數刻卒誅之張妃怙寵上僭欲假

后蓋出游帝使自來請后與之無靳

斤去聲

色妃喜還以

告帝曰國家文物儀章上下有秩汝張之而出外廷不

汝置妃不憚

音亦

而輟英宗方四歲育禁中后拊鞠周盡

迨入為嗣子贊策居多帝夜暴疾崩后悉歛諸門鑰

音藥

寘於前召皇子入及明宰臣韓琦等至奉英宗即位尊

后為皇太后檢柩

尼上聲

曹氏及左右臣僕毫分不以假

借宮省肅然神宗立尊為太皇太后名宮曰慶壽帝致

極誠孝所以承迎娛悅無所不盡后亦慈愛天至或退

朝稍晚必自至屏展

衣上聲

候矚

音燭

間親持膳飲以食帝

外家男子舊母得入謁后春秋高弟侑

音逸

亦老帝數言

宜使入見輒不許他日侑侍帝帝復為請乃許之因偕

詣后閣少焉帝先起若令侑得伸親親意后遽曰此非

汝所當得留趣遣出晚得水疾侍醫莫能治元豐二年

崩初王安石當國變亂舊章后乘間語神宗謂祖宗法

度不宜輕改熙寧宗祀前數日帝至后所后曰吾昔聞

民間疾苦必以告仁宗因赦行之今亦當爾帝曰今無

他事后曰吾聞民間甚苦青苗助役宜罷之安石誠有

才學然怨之者甚衆帝欲愛惜保全之不若暫出之於

外帝悚

音聳

聽垂欲止復為安石所持遂不果帝嘗有意

於燕薊

音計

已與大臣定議乃詣慶壽宮白其事曰儲

蓄賜予備乎鎧

音愷

仗士卒精乎帝曰固已辦之矣后曰

事體至大吉凶悔吝生乎動得之不過南面受賀而已

萬一不諧則生靈所係未易以言苟可取之太祖太宗

收復久矣何待今日帝曰敢不受教蘇軾

音式

以詩得罪

下御史獄人以為必死后違豫中聞之謂帝曰嘗憶仁

宗以制科得軾兄弟喜曰吾為子孫得兩宰相今聞軾

以作詩繫獄得非仇人中傷之乎

君上聲

至於詩其過

微矣吾疾勢已篤不可以寬濫致傷中和宜熟察之帝

涕泣軾由此得免

馮賢妃東平人曾祖炳知雜御史祖起兵部侍郎妃以

良家女九歲入宮及長得侍仁宗生邢魯國二公主封

始平郡君帝將登其品秩力辭不拜林美人得幸神宗
生二王而歿王尚幼妃保育如已子在禁掖幾六十年
始終五朝動循禮度薨年七十七贈賢妃

英宗宣仁聖烈高皇后

音毫

薄州蒙城人曾祖瓊祖繼勲

皆有勲王室至節度使母曹氏慈聖光獻皇后姊也故
后少鞠宮中時英宗亦在帝所與后年同仁宗謂慈聖

異日必以為配既長遂成昏濮邸生神宗皇帝岐王顥

吳嘉王顥

音君

壽康公主治平二年冊為皇后后弟內殿

崇班士林供奉久帝欲遷其官后謝曰士林獲升朝籍
分量已過豈宜援先后家比辭之神宗立尊為皇太后
居寶慈宮帝屢欲為高氏營太第后不許久之但斥望
春門外隙音地以賜凡繕營百役費悉出寶慈不調大
司農一錢元豐八年帝不豫浸劇音宰執王珪等入問
疾乞立延安郡王為皇太子太后權同聽政帝頷音之
珪等見太后簾下后泣撫王曰兒孝順自官家服藥未
嘗去左右喜學書已誦論語七卷絕不好弄乃令王出

簾外見珪等是日降制立為皇太子初岐嘉二王日問起居至是母令輒入又陰勅中人梁惟簡使其妻製十歲兒一黃袍懷以來蓋密為踐阼倉卒備也哲宗嗣位尊為太皇太后驛召司馬光呂公著未至迎問今日設施所宜先未及條上已散遣修京城役夫減皇城覘音卒止禁庭工技廢導洛司出近侍尤無狀者戒中外毋苛歛寬民間保戶馬事由中旨王珪等弗預音知又起文彥博於既老遣使勞諸途諭以復祖宗法度為先務

且令亟疏可用者從父遵裕坐西征失律抵罪蔡確

音殷

欲獻諛

音史

以固位乞復其官后曰遵裕靈武之役塗炭

百萬先帝中夜得報起環榻行徹旦不能寐聖情自是

驚悸

蔡去聲

馴致大故禍由遵裕得免刑誅幸矣先帝肉

未冷吾何敢顧私恩而違天下公議確悚慄而止光公

著至並命為相使同心輔政一時知名士彙

音謂

進於廷

凡熙寧以來政事弗便者次第罷之於是以常平舊式

改青苗以嘉祐差役參募

音募

役除市易之法道

音換

茶鹽

之禁舉邊砦

寨同

不毛之地以賜西戎而宇內復安契

音挈

丹主戒其臣下勿復生事於疆場曰南朝盡行仁宗之

政矣蔡確坐車蓋亭詩謫

音責

嶺表后謂大臣曰元豐之

末吾以今皇帝所書佛經出示人是時惟王珪曾奏賀

遂定儲極且以子繼父有何間言而確自謂有定策大

功妄扇事端規為異時眩

音縣

惑地吾不忍明言姑託訕

山去聲

上為名逐之耳此宗社大計姦邪怨謗所不暇恤

也廷試舉人有司請循天聖故事帝后皆御殿后止之

又請受冊寶於文德后曰母后當陽非國家美事況天子正衙豈所當御就崇政足矣上元燈宴后母當入覲近音止之曰夫人登樓上必加禮是由吾故而越典制於心殊不安但令賜之燈燭遂歲以為常姪公繪公紀當轉觀察使力過之帝請至再僅遷一秩終后之世不復改又以官冗當汰詔損外氏恩四之一以為宮掖先臨政九年朝廷清明華夏綏音定宋用臣既被斥祈神宗乳媪入言之冀復得用后見其來曰汝來何為得非為

用臣等游說乎且汝尚欲如曩囊上聲日求內降干撓國

政耶若復爾吾即斬汝媼大懼不敢出一言自是內降
遂絕力行故事抑絕外家私恩文思院奉上之物無問
巨細終身不取其一人以為女中堯舜

神宗欽聖憲肅向皇后河內人故宰相敏中曾孫也治

平三年歸于穎音影邸封安國夫人神宗即位立為皇后

帝不豫后贊宣仁后定建儲之議哲宗立尊為皇太后

宣仁命音集壽故宮以居

后辭曰安有姑居西而

婦處東瀆上下之分不敢徙遂以慶壽後殿為隆祐宮
居之帝將卜后及諸王納婦后勅向族勿以女真選中
族黨有欲援例以恩換閭職及為選人求京秩者且言
有特旨后曰吾族未省用此例何庸以私情撓公法一
不與帝倉卒晏駕獨決策迎端王章惇音敦異議不能沮
徽宗立請權同處分軍國事后以長君辭帝泣拜移時
乃聽凡紹聖元符以還惇所斥逐賢大夫士稍稍收用
之故事有如御正殿避家諱立誕節之類皆不用至聞

賓召故老寬徭

音遙

息兵愛民崇儉之舉則喜見于色纔

六月即還政

高宗憲聖慈烈吳皇后開封人年十四高宗為康王被
選入宮后頗知書從幸四明衛士謀為變入問帝所在
后給之以免未幾帝航海有魚躍入御舟后曰此周人
白魚之祥也帝大悅封和義郡夫人進封才人后益博
習書史又善翰墨由是寵遇日至尋進貴妃顯仁太后
亦愛后邢皇后崩顯仁以為言詔冊為皇后顯仁性嚴

肅后身承起居順適其意嘗繪古列女圖置座右為鑒
又取詩序之義扁其堂曰賢志初伯琮以宗子召入宮
命張氏育之后時為才人亦請得育一子於是得伯玖

更名璩

音渠

中外議頗籍籍張氏卒併育于后后視之無

間伯琮性恭儉喜讀書帝與后皆愛之封普安郡王后
嘗語帝曰普安真天日之表也帝意決立為皇子封建
王出璩居紹興高宗內禪于詔后稱太上皇后居德壽
宮上皇崩孝宗欲迎還大內后以上皇几筵在德壽宮

不忍舍去因命所御殿曰慈福居焉嘗與光宗言及用
人后曰宜崇尚舊臣嘉王侍側后勉以讀書辨邪正立
綱常為先孝宗崩光宗疾未平不能執喪宰臣請垂簾
主喪事后不可已而宰執請如唐肅宗故事羣臣發喪
太極殿成服禁中許之后代行祭奠禮尋用趙汝愚請
於梓宮前垂簾宣光宗手詔立皇子嘉王為皇帝翌日
冊夫人韓氏為皇后撤簾汝愚後以謫死中書舍人汪
義端目汝愚為李林甫欲併逐其黨后聞而非之年八

十三崩

孝宗謝皇后丹陽人初被選入宮憲聖太后以賜普安郡王封咸安郡夫人王即位踰年進貴妃淳熙三年立為皇后后性儉慈減膳羊每食必先以進御服澣澣同濯

衣有數年不易者弟淵以后貴授武翼郎后嘗戒之曰

主上化行恭儉吾亦躬服澣濯爾宜宗謙抑遠驕侈後

崩諡成肅

元

世祖昭睿順聖皇后名徹伯爾鴻吉哩氏濟寧忠武王按
陳之女也生裕宗中統初立為皇后至元十年三月授
冊寶上尊號貞懿昭聖順天睿文光應皇后一日四怯
薛官奏割京城外近地牧馬帝既允方以圖進后至帝
前將諫先陽責太保劉秉忠曰汝漢人聰明者言則帝
聽汝何為不諫向初到定都時若以地牧馬則可今軍
民俱分業已定奪之可乎帝默然命寢其事後嘗於太
府監支繒帛表裏各一帝謂后曰此軍國所需非私家

物后何可得支后自是率宮人親執女工拘諸舊弓絃

練之緝

侵入聲

為紬以為衣其韌

音刃

密比綾綺宣徽院羊

膈

音獐

皮置不用后取之合縫為地毯

貪上聲

其勤儉有節

而無棄物類如此十三年平宋幼主朝于上都大宴眾
皆歡甚唯后不樂帝曰我今平江南自此不用兵甲眾
人皆喜爾獨不樂何耶后跪奏曰妾聞自古無千歲之
國母使吾子孫及此則幸矣帝以宋府庫故物各聚置
殿廷上召后視之后徧視即去帝遣宦者追問后欲何

所取后曰宋人貯蓄以遺其子孫子孫不能守而歸於
我我何忍取一物耶待宋太后全氏甚厚其帽舊無前
簷帝因射日色炫玄去聲目以語后后始製前簷又製衣
前有裳無衽後長倍於前無領袖綴兩襟音盼以便弓馬
時皆效之后性明達國初左右有力十四年二月崩成
宗即位追諡焉

國朝

太祖孝慈昭憲至仁文德承天順聖高皇后馬氏其先

自宋太保默家于宿州閔子鄉新豐里世豪里中父馬

公性剛直愛人喜施賙

音周

人之急如將不及母鄭氏早

卒后幼父素與定遠人郭子興為刎頸之交遂以后託

其家父卒子興育后同己女后自少貞靜端一孝敬慈

惠聰明出人意表尤好詩書既笄嬪于太祖聖神文武

欽明啟運俊德成功統天大孝高皇帝誠敬感孚

音夫

內

外咸譽之值歲大歉

音慙

后從帝在軍嘗自忍饑懷糗

音去

聲餌脯修供帝未嘗乏絕造次顛沛恪遵婦道帝每有

識記書札輒命后藏之倉卒取視后即於囊中出而進之未嘗脫誤帝焚香祝天願天命早有所付毋苦天下生民后謂帝曰方今豪傑並爭雖未知天命所歸以妾觀之惟以不殺人為本顛者扶之危者救之收集人心人心所歸即天命所在彼縱殺掠以失人心天之所惡雖其身亦難保也帝曰爾言深合我意明日冒雨歸語后曰昨聞爾言往來方寸間不能忘有一卒違令忽與婦人俱詰之不能隱吐實云掠得之我告之曰今日用

兵所以禁亂若寡人之妻孤人之子適以生亂不即舍之吾必戮爾此卒感悟遂即舍之由爾之言也后曰用心如此何憂人心之不歸乎后初未有子撫育帝兄子文正姊子李文忠及沐英等數人愛如己出後太子諸王生恩無替焉帝帥師渡江后亦率諸將士妻妾繼至太平及居建康時吳漢接境戰無虛日親率妾媵完緝衣襪助給將士夜分不寐時時左右帝規畫動合事機洪武元年春正月帝即位冊為皇后因謂侍臣曰昔漢

光武勞馮異曰倉卒蕪羹亭豆粥音呼沱音沱河麥飯厚

意久不報君臣之間始終保全朕念皇后起布衣同甘
苦嘗從朕在軍倉卒自忍饑餓懷糗餌食朕比之豆粥
麥飯其困尤甚昔唐太宗長孫皇后當隱太子構隙之
際內能盡孝謹承諸妃消釋嫌猜朕數為郭氏所疑朕
徑情不恤將士或以服用為獻后先獻郭氏慰悅其意
及欲危朕后輒為彌縫卒免於患殆又難於長孫皇后
者朕或因服御詰怒小過輒為朕曰主忘昔日之貧賤

耶朕復為惕然家之良妻猶國之良相豈忍忘之罷朝
因以語后后曰妾聞夫婦相保易君臣相保難陛下既
不忘妾於貧賤願無忘羣臣百姓於艱難且妾安敢比
長孫皇后賢但願陛下以堯舜為法耳后既正位中宮
益自勤勵督宮妾治女工夙興夜寐無時豫怠勸帝親
賢務學隨事幾諫講求古訓諭告六宮孜孜不倦一日
集女史清江范孺人等問曰自漢唐以來何后最賢家
法何代最正對曰惟趙宋諸后多賢家法最正后於是

命女史錄其家法賢行每令誦而聽之曰不徒為吾令
日法子孫帝王后妃皆當省覽此可以為萬世法也或
曰宋朝過於仁厚后曰過於仁厚不猶愈於刻薄乎吾
子孫苟能以仁厚為本至於三代不難矣仁厚雖過何
害於人之國哉帝嘗謂后曰君者百責所萃一夫不得
其所君之責也后即起拜曰妾聞古人有云一夫失所
時予之辜一民饑曰我饑之一民寒曰我寒之今陛下
之言即古人之心也致謹於聖心加惠於窮民天下受

其福妾亦與有榮焉又嘗從容告帝曰人主雖有明聖之資不能獨理天下必擇賢以圖治然世代愈降人無全材陛下於人材固能各隨其短長而用之然尤宜赦小過以全其人帝喜稱善一日聞得元府庫輸其貨寶至京師問帝曰得元府庫何物帝曰寶貨耳后曰元氏有此寶何以不能守而失之蓋貨財非可寶抑帝王自有寶也帝曰皇后之意朕知之矣但謂以得賢為寶耳后即拜謝曰誠如聖言妾每見人家產業厚則驕至時

命順則逸生家國不同其理無二人之常情所當深戒
妾與陛下同處窮約今富貴至此恒恐驕縱生於奢侈
危亡起於忽微故世傳技巧為喪國斧斤珠玉為蕩心
醕音鳩毒誠哉是言但得賢才朝夕啟沃共保天下即大
寶也顯名萬世即大寶也而豈在於物乎帝曰善嘗侍
坐乾清宮語及窮約時事帝曰吾與爾跋涉艱難備嘗
辛苦今日化家為國無心所得上感天地之德祖宗之
恩然亦爾內助之功也后曰陛下一念救民之心格于

皇天天命眷之祖宗祐之妾何力之有但願陛下不忘於窮約之時而警戒於治安之日妾亦不忘相從於患難而謹飭於朝夕則天地祖宗非惟庇佑於今日將為子孫無窮之福耳帝凡御膳后必躬自省視宮人請曰宮中人衆無煩聖體后曰吾固知宮中有人但婦之事夫不可不謹膳羞上進不可不蠲音涓潔脫有不至汝輩受責吾心豈安吾所以為此者一以敬上而不敢忽一以保汝輩免於責也宜為無人耶宮人聞之莫不感悅

后聞女史論西漢竇太后好黃老顧而問曰黃老何如
女史答曰清靜無為為本若絕仁棄義民復孝慈是也
后曰不然孝慈即仁義事也詎音巨有絕仁義而為孝慈
哉仁義乃為治之本乃曰絕之棄之非理也后令誦小
學書注意聽之既而奏曰小學書言易曉事易行於人
道無所不備真聖人之教法盍表章之帝曰然吾已令
親王駙馬太學生咸講讀之矣后嘗聞元世祖后煮故
弓絃事亦命取練之織為衾音欽綢以惠孤老每製衣裳

餘帛緝為巾褥曰身處富貴當為天地惜物暴殄

天上聲

天物古人深戒也織工治絲有荒類

音未

棄遺者亦俾緝

而織之以賜諸王妃公主謂曰生長富貴當知蠶桑之不易此雖荒類棄遺在民間猶為難得故織以示汝不可不知也平居服澣濯之衣不喜侈麗衾裯雖敝不忍易有言於后曰享天下至貴至富何庸惜此后曰吾聞古之后妃皆以富而能儉貴而能勤見稱於載籍蓋奢侈之心易萌崇高之位難處不可忘者勤儉不可恃者

富貴也勤儉之心一移禍福之應響至每念及此自不敢有忽易之心耳宮人有過帝怒之后亦怒命左右執付宮正司議罪帝怒解問后曰爾不自責罰付之宮正司何也后曰妾聞賞罰惟公足以服人故不以喜而加賞不以怒而加刑喜怒之際而行賞罰必有偏重人議其私付之宮正司則當斟酌其輕重矣治天下者亦豈能人人自賞罰哉有司者論之耳帝曰爾亦怒之何也后曰當陛下怒時遽自罰之非惟宮人得重責陛下亦

損中和之氣故妾之怒者所以解陛下之怒也帝喜后以不逮事舅姑為恨見帝追慕悲傷亦為之流涕晨夕禱翟從帝拜謁奉先殿每當祭躬治膳羞務盡誠敬接妃嬪以下有恩被寵顧有子者待之加厚語諸王妃公主曰無功受福造物所惡吾與若屬被金繡美飲食終日無所為當勤女工以報造物者太子諸王雖愛之甚篤勉令務學諄切懇至嘗曰汝父尊臨萬國身致太平亦由學以聚之爾小子當思繼繼繩繩以不辱所生又

曰吾聞女史言鄧禹為將不妄殺人故其女為后吾家
世忠厚至吾父雖無禹之功然平生急於義今日為后
非偶然也汝輩異日有人民社稷之寄尤必積累忠厚
乃可長世切不可自恃而不務德謂事有偶然也汝切
識之諸王或以衣服器皿相尚者后曰唐堯虞舜茅茨
土階夏禹文王惡衣卑服汝父儉樸尤惡奢麗日夜憂
勤以治天下汝輩無功錦衣玉食猶欲以服御相加何
志氣不同如是乎惟當親師取友講論聖賢之學開明

心志自無此氣習也后慈以接下親戚勲舊之家無不得其懽心命婦入朝不以尊貴臨之延接如家人禮遇水旱歲凶進食必間設麥飯野蔬帝因告以賑卹之事后曰妾聞水旱無時無之賑卹之有方不如蓄積之先備卒不幸有九年之水七年之旱將何法以賑之帝深以為然嘗為帝言施恩欲溥徧然亦有等差衆庶日給固有艱難百官家在京者其鄉里遠近不同家貧富亦異而俸入有限慮或不給艱難必甚遇暑雨祁寒輒形

於嗟歎帝感其意每遣存問周給之近臣及諸奏事官
朝罷會食廷中后命中官取其飲食親嘗之滋味涼薄
不旨奏帝曰朝廷用天祿以養天下之賢故自奉欲其
薄養賢欲其豐今之典大亨烹者不能輯其下人惟奉

上者甘旨羣臣飲食皆不得其味豈陛下養賢之意乎
上曰飲食之事朕不經心將謂羣臣皆得甘旨豈意所
司自分厚薄想羣臣欲言又難於啟齒事雖甚微所係
亦大皇后今日不言朕豈知其如此亟音棘召光祿卿徐

興祖等切責之興祖等皆慙服帝嘗臨太學祀先師孔子還后問曰太學生幾何帝曰數千又問悉有家乎曰亦多有之后曰善理天下者以賢才為本今人才衆多深足為喜但生員廩食於太學而妻子無所仰給彼寧無所累於心乎帝即命月賜糧給其家以為常嘗謂帝曰事幾得失本君心之邪正天下安危係民情之苦樂又曰法屢更必弊法弊則姦生民數擾必困民困則亂生帝皆命女史書之后得疾帝寢食不安以語羣臣羣

臣請禱祀山川徧求名醫后聞謂帝曰妾平生無疾今一旦得疾如此自度不能起死生有命禱祀求醫何益之有及疾亟帝問曰爾有身後之屬乎后曰陛下與妾起布衣今日陛下為億兆主妾為億兆母尊榮至矣尚何言惟感天地祖宗無忘布衣而已帝復問之后曰陛下當求賢納諫明政教以致雍熙教育諸子使進德修業帝曰吾已知之但老身何以為懷后復曰死生命也願陛下慎終如始使子孫皆賢臣民得所妾雖死如生

也遂崩年五十一洪武壬戌八月丙戌也帝慟哭終身
不復立后帝嘗罷朝內臣女史更進奏事不已帝悽然
不懌曰皇后在吾豈有此煩聒哉后在時內政一不以
煩帝帝從容甚適故不勝哀悼焉是歲九月庚午葬鍾
山孝陵諡曰孝慈皇后永樂元年六月丁巳加上尊諡
孝慈昭憲至仁文德承天順聖高皇后

古今列女傳卷一